



**Bosna i Hercegovina
Federacija Bosne i Hercegovine
GRAD ZENICA**

U sklopu projekta „Stvaranje prihoda i radnih mjesta u poljoprivrednom sektoru u Bosni i Hercegovini - (IGAS) 2016-2020" i projektnih aktivnosti "Plastenička proizvodnja povrća 2019-2020 u Gradu Zenica" i na osnovu Sporazuma zaključenog između Grada Zenica i NVO „Caritas Švicarske“, broj: 02-49-19834/19 od 18.09.2019. godine kojim su osigurana donatorska sredstva od strane „Caritas Švicarske“ 40 %, Grad Zenica 40 % i vlastitog učešća korisnika 20 %, Zenice za 15 korisnika, te donatorska sredstva od strane „Caritas Švicarske“ 10 %, Grad Zenica 50 % i vlastitog učešća korisnika 40 % za 5 starih korisnika koji su u prethodnom periodu bili dio ovih projektnih aktivnosti, a sve u cilju razvoja plasteničke proizvodnje na području Grada Zenice Gradonačelnik raspisuje:

JAVNI POZIV

**za predaju zahtjeva za dodjelu plastenika od 100 m² sa dodatnom opremom putem
sufinansiranja u projektu**

I PRAVO UČEŠĆA

1. Pravo na učešće u Projektu imaju nezaposlene osobe, prvenstveno mladi i žene sa područja grada Zenica koje posjeduju vlastito poljoprivredno zemljište ili njihovi uži članovi porodice kao i zemljište ustupljeno na korištenje ili u zakup u neposrednoj blizini stambenog objekta u kojem stanuju.
2. Korisnici koji su dobili plastenike u predhodnoj projektnoj aktivnosti Caritasa i Grada Zenice.

Grad Zenica i Caritas Švicarske su nosioci aktivnosti vezanih za realizaciju Projekta.

II USLOVI ZA DODJELU PLASTENIKA

Podnosioc zahtjeva treba da ispunjava sljedeće uslove:

1. da je nezaposlena osoba ili osoba sa minimalnim primanjima,
2. da je upisan u Registar poljoprivrednih gazdinstava i klijenata u gradu Zenica ili će pokrenuti postupak upisa, a što će potvrditi ovjerenom izjavom da će se upisati u Registar poljoprivrednih gazdinstava i klijenata prije dodjele plastenika,
3. da je podnosilac zahtjeva ili član uže porodice vlasnik ili posjednik poljoprivrednog zemljišta pogodnog za plasteničku proizvodnju, a koje se nalazi u neposrednoj blizini stambenog objekta u kojem stanuje,
4. osobe koje u posljednjih 5 godina nisu bili korisnici podrške, grantova ili sufinansiranja nabavke plastenika za uzgoj povrća od Grada, ministarstava, humanitarnih i drugih organizacija –**uslov samo za one koji prvi put apliciraju** na projektne aktivnosti Caritasa i Grada Zenica
5. da ima mogućnost navodnjavanja plastenika,
6. da sufinansira 20% od nabavne cijene plastenika sa pratećom opremom – **novi korisnici**

7. da sufinansira 40% od nabavne cijene plastenika sa pratećom opremom - **stari korisnici**
8. da obavezno prisustvuje edukaciji iz oblasti plasteničke proizvodnje u trajanju od dva dana.

III KRITERIJI ZA DODJELU PLASTENIKA

Kriteriji za bodovanje podnosioca zahtjeva:

- a) pogodnost vlastitog zemljišta za plasteničku proizvodnju i mogućnost navodnjavanja (utvrđuje Komisija za dodjelu plastenika na licu mjesta)- maksimalno 3 boda:
 - slabi uslovi (veliki nagib, udaljenost od kuće više od 200 m) - 1 bod,
 - dobri uslovi (relativno veliki nagib, udaljenost od kuće do 100 m) 2 boda,
 - jako dobri uslovi (blagi nagib, blizu kuće, dobar pristup) 3 boda.

Kandidati kod kojih se na terenu utvrdi da ne posjeduju poljoprivredno zemljište pogodno za plasteničku proizvodnju (npr.veliki nagib, veličina parcele i sl.) ili nemaju mogućnosti za navodnjavanje neće se bodovati, te se njihove prijave neće uzeti u razmatranje.

- b) dodatni bodovi po osnovu pripadnosti jednoj od dole navedenih kategorija:
 - podnosilac zahtjeva nezaposlen (vrijeme provedeno na birou za zapošljavanje):
 - od 0-3 god. 1 bod,
 - od 3-6 god. 2 boda,
 - od 6-10 god. 3 boda,
 - više od 10 god. 4 boda,
 - za svakog punoljetnog nezaposlenog člana porodice, koji se nalazi na evidenciji nezaposlenih osoba Biroa za zapošljavanje – 1 bod,
 - za svakog izdržavanog člana porodice (nezaposlene osobe koje se ne nalaze na evidenciji nezaposlenih osoba na Birou za zapošljavanje -domaćice , djeca, učenici i sl.) – 1 bod,
 - mlade osobe životne dobi do 35 godina – 5 bodova,
 - ako je podnosilac zahtjeva samohrani roditelj – 2 boda
 - socijalni aspekt - nema primanja - 7 bodova
 - socijalni aspekt - minimalna primanja po članu do 100,00 KM - 6 bodova
 - socijalni aspekt - minimalna primanja po članu domaćinstva do 200,00 KM - 5 bodova,
 - socijalni aspekt - minimalna primanja po članu domaćinstva do 250,00 KM - 4 boda,
 - socijalni aspekt - minimalna primanja po članu domaćinstva do 300,00 KM - 3 boda,
 - socijalni aspekt stanje na terenu- 0 do 4 boda.

Kada kandidati pri bodovanju imaju isti broj bodova, prednost će imati kandidati koji imaju status mlade osobe i žene.

IV POTREBNA DOKUMENTACIJA

Potrebna dokumentacija za dodjelu plastenika mora biti originalna ili ovjerena:

1. obrazac za prijavu na Javni poziv,
2. CIPS prijavnica podnosioca zahtjeva,
3. ovjerena kopija lične karte,
4. ovjerena kućna lista,
5. dokaz o nezaposlenosti kandidata izdat od Biroa za zapošljavanje ili potvrda da osoba nije poreski obveznik (orginal ili ovjerena kopija),

6. dokaz o nezaposlenosti svih punoljetnih članova porodice izdat od Biroa za zapošljavanje ili neki drugi dokaz o nezaposlenosti (kopirana zdravstvena knjižica)- (orginal ili ovjerena kopija),
7. potvrde iz škole/fakulteta za djecu/izdržavane članove domaćinstva (orginal ili ovjerena kopija),
8. potvrda o visini primanja zaposlenih članova domaćinstva (orginal ili ovjerena kopija),
9. vlasništvo ili posjed nad parcelom koja se namjerava koristiti za podizanje plastenika (kopija ZK izvadka ili Posjedovnog lista, kao i ugovor o zakupu/korištenju)- (orginal ili ovjerena kopija),
10. ovjerena izjava da ne posjeduje plastenik u svom vlasništvu (za lica koja prvi put apliciraju na projektne aktivnosti Caritasa i Grada Zenica),
11. ovjerena izjava da će korisnik podsticaja dobiveni plastenik zadržati u vlasništvu najmanje 2 godine od potpisivanja Ugovora,
12. ovjerena izjava da podnosilac zahtjeva u posljednjih 5 godina nije ostvario pravo na donaciju, dodjelu ili sufinansiranje nabavke plastenika od Grada, ministarstva, humanitarnih i drugih organizacija, (za lica koja prvi put apliciraju na projektne aktivnosti Caritasa i Grada Zenica)
13. ovjerena izjava da će sufinansirati 20% od nabavne cijene plastenika sa pratećom opremom (novi korisnici),
14. ovjerena izjava da će sufinansirati 40% od nabavne cijene plastenika sa pratećom opremom (stari korisnici),
15. obavezno prisustvovati edukaciji iz oblasti plasteničke proizvodnje u trajanju od dva dana.

V PROCEDURA ODABIRA KORISNIKA

Komisiju za odabir krajnjih korisnika za dodjelu plastenika sa pratećom opremom putem sufinansiranja u saradnji sa humanitarnom organizacijom čine: 1 predstavnik "Caritas Švicarske" i 2 predstavnika Grada.

Zadatak Komisije za dodjelu plastenika je da izvrši:

- pregled prispjelih prijavi, provjeru upisa u RPG u nadležnoj službi, evidentira kandidate koji ispunjavaju uslove iz Javnog poziva, obave uviđaj na licu mjesta, sačine liste krajnjih korisnika na osnovu utvrđenih kriterija za bodovanje te istu dostave Gradonačelniku i Caritas-u Švicarske.

Rang lista odabranih kandidata će biti objavljena na oglasnoj ploči Grada i službenoj web stranici Grada Zenica.

NAPOMENA:

Obrasci zahtjeva za prijavu mogu se preuzeti na infopultu Grada Zenica i zajedno sa dokumentacijom predati u zatvorenoj kovrti na protokol Grada Zenica sa naznakom „Za javni poziv za dodjelu plastenika i prateće opreme“, a rok za podnošenje zahtjeva je 15 dana, od dana objavljivanja javnog poziva u sredstvima javnog informisanja Grada Zenica (RTV Zenica), web stranici Grada Zenica www.zenica.ba, te na oglasnoj ploči Grada Zenica. Sve dodatne informacije mogu se dobiti u Službi za privredu i upravljanje razvojem Grada Zenica, ili na broj telefona 032/447 706 svakim radnim danom od 08:00-15:30 sati.

Nepotpune i neblagovremene prijave se neće uzeti u razmatranje.